

مشتاق

مطبعه و محل اداره :

م. ا. ل. اوغلسده امنیت
سندوغی جوارنده
شکول یقوشنده
۲۶ نومرو

مسالک زده موافق آثار
جدیده مع الممنونه
قبول اولنور

درج ابدیه بن آثار اعاده اولناز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و شئون اسلامیه بحث ابر در هفته به نشر اولنور.

صاحب و مؤسسلری :

در سعادتده نسخہ سی ۵۰ یا ۵۰۰

ابوالعلا زین العابدین - ح . اشرف ادیب
تاریخ تأسیسی

فیرله دن مقوا بورو ایله کوندریایر سه سنوی
۲۰ غروش فضله آلتیر

۱۰ تموز ۳۲۴

آبونه بدلی

ممالک عثمانیه ایچون	سنه لکی	القی آیلانی	غروش
۶۵	۳۵	۳۵	۳۵
روسیه	۶۵	۳۵	روبله
سائر ممالک اجنبیه	۱۷	۹	فرائق

یدنجی جلد

۵ صفر ۱۳۳۰ پنجشنبه ۱۲ کانون نانی ۱۳۲۷

عدد : ۱۷۷

بر حمید هیچ اوله مار! ذات محمد خانی
یوقی انصافکز الله ایچون آرتق یتشیر!

بو یله اغلو طه بی هیچ فکرینه کیم رهبر ایدر!
واری بر وجه شبه؟ فکر تشابه؟ نه کزرا!
اوله بر شاه معظم که معالی پرور
بونی تسلیم ایده یور کوکده ملک، یرده بشر
یوقی انصافکز الله ایچون آرتق یتشیر!

مسلماناق، متنفّر، متأسف، بیتاب
چونکه اول جای معلایه صاحبماز چرکاب
بوکا قائل اوله مار حضرت رب الارباب
بو یله اولماز صانیرم شکل رسوم آداب
یوقی انصافکز الله ایچون آرتق یتشیر!

بولدی دللرده بلا شابه بر جای قرار
ملک روحی بوکون حق خلافتله یشار
بونی تقدیس ایدیور عشقه احرار، ابرار
بر تناقض کوره مز شان حکومت آرتار
یوقی انصافکز الله ایچون آرتق یتشیر!

حق تأسیس حکومت شرفن عثمانه
ویرمش اول حضرت خلاق اوجلیل الشانه
هم خلافت کبی مغبوط جهان، عنوانه
عرض حرمت ایده لم ذات محمد خانه
یوقی انصافکز الله ایچون آرتق یتشیر!

لایزال حرمتمز واردر اوعلوی نسه
وارمیدر واصل اولان شمدی اوعلی کعبه؟
یوق خلافت کبی بر بایه رب الکعبه
اعتنا ایتلی یز رسم جلیل ادبه
یوقی انصافکز الله ایچون آرتق یتشیر!

هم اولماز دینلیر حق خلافت تقصیر
بونک ابقاسنه نصرت ده اجل تدیر
اوله حق عکسی ایسه مظهر سوء تقدیر
بلکه عاجز بونی تفصیره زبان تقریر
یوقی انصافکز الله ایچون آرتق یتشیر!

مجلسه «ایتدی تفسیح، سوزی پک چسباندر
سیا شکل اداریسی وضع، عریاندر
دار شورا دیه هم ملعبه صباندر

حال مرئسی بوتون سورلر مه بره اندر
یوقی انصافکز الله ایچون آرتق یتشیر!
ادینه اسکی زغرمل
عثمان نوری



«الدعوة والارشاد» اصول تدریسی

صراط مستقیم ۱۷۰ و ۱۷۱ نومرولی نسخهلرنده نظامنامه سی نشر اولنان «الدعوة والارشاد» دارالفنون اسلامینده تدریس اولنان علوم وفنون ایله بونلردن هر پینک (دعاة) و (مرشدین) صنفلرنده کی اصول تدریسلی [*]

(تنبیه) «الدعوة والارشاد» لک «دارالفنون» ده مقصد اولینی،
تربیه دینیله ایله برابر اصول تعلیم اسلامینک اصلاحی در. تعلیمک
منفعتدار اولماسی، آنجق شو اوج ملککک تربیه سیله تأمین اولنور:
۱) علومک مسائل وحکمتی تحصیل خصوصنده استقلال فهم ملککسی،
۲) مسائل مذکورکک عندالحاجه استحضاری ملککسی، ۳) مسائل
مذکورکدن عملی اولانلر ایله عمل ملککسی.

تعلیمک مظهر سهولت اولمه سی خصوصی، بوراده اجمالاً بیان
اولنان وجهه کوره تعلیم مطالعه یه یارایان کتابلری تصنیف ایله اشتغال
ایده جک بر انجمن علمی تشکیلیله رسیده تمام اولور. ایشک باشلانغچنده
دارالفنون، بعض کتب معروفه یی انتخاب واختیار ایله معلمینی بوفصل
ایله ارشاد ایدر، دارالفنون هیئتک قرارلریله بعض علومه عائد
درسلی اقتباس ایده بیله جککری کتابلری تبلیغ ایدر، دارالفنونک
کتب جدیدۀ تدریسیه تدوینی خصوصنده کی املی، حیز آرای حصول
اولنجه یه قدر مصلحت بو صورتله تدویر ایده یله جکدر. معلمین محترمه کک
بو غایه معروضه یی نظر دقته آملاری و مذکور اوج ملککک تربیه سینه
بذل اهتمام ایلملری لازمدر.

تجوید القرآن الکریم

صنف مرشدینده علم تجویده دائر بر رساله اوقونور. تجوید،
صورت عملیه ده تعلیم اولونور، شویله که هر طالب، پروغرامده تعیین
اولونان اوقاتده تجوید ایله آیات کریمه یی اوقور، حافظده تجوید ایله
اوقومق لسانده بر ملککک حالنه کلنجه یه قدر لازم کلن جهتلی تصحیح
ایدر.

تفسیر

دارالفنونک بتون سنه لری طلبه سینه علی طریق الوعظ والخطابه،
لغت فصیحه ایله دائمی وعمومی تفسیر درسی اوقوتیلور، تا که شاگردان
بودرسدن قلبلره تأثیری مأمول اولان کیفیت وعظ وارشادی
اوکرنسونلر، خطابت دینیله کک اسلوبی قلبلرینه، لسانلرینه انطباع
[*] بوفصله دارالفنون نظامنامه سنک بشنهی ماده سنده اشارت اولونمشدر.

معتزین طرفدن وارد اولاجق اعتراضات ؛ بو حدیثلرک قبولنه ائمه مسلمینجه اتفاق بولمادی بیان ایدیلرک مدافعه اولنور .

اصول حدیث ، یاخود مصطلح

بو علم ، بالنفس حدیث اوقونمهدن اول اوقونور . اصول قرآن : هر بر اصطلاح واضح صورتده تعریف و متعدد مثاللرله ایضاح اولونور . بعض محدثینك اصطلاحلری آردسندگی اختلاف بیان اولونور : حدیث حسن و غریبه ترمذیك اصطلاحی کی .

توحید

(علم توحید) دن مراد قرآن حکیمده بیان اولنوب دینك دعوت ایتکده بولوندوغی (علم عقائد اسلامیه) در . بو علمك مباحثی اوج بابهدخال اولنور : (۱) الهیات (۲) نبوات (۳) غیبیات که باغیب ایمان ایتک واجب اولان عقائد ؛ بولرله (سمعیات) ده تعیر اولونور .

صنف مرشدین :

بو علم ، صنف مرشدینه خاصدر . صنف دعائه انتقال ایتهدن اول بو علمده کسب ممارسه ایتلیدرلر . آلهیات ؛ استدلال بالنظریاتدن زیاده قرآن منیفك استدلال بالکائناتده اولان منہاج وسنتی اوزره اوقونوب قلبلره محبت الله ، تعظیم و مراقبه خدا ، طاعته رغبت و یرن رجا ایله معصیتدن تنفیر ایدن خوف ، توحیدده استغراق ، صفات ایله معرفت کمال ابداع ایدن وجه اوزره تدریس اولنور . بومیانده خلقك تفهمنده دوچار خطا اولدقلری قضا ، قدر ، جبر ، توکل ، کسب ، غرور و رجا ، یأس و امل ، دعا ، توسل ، ولایت و برائت کی مسائل شرح و ایضاح اولونور .

صنف المرشدین :

مسائل نبواتك اصول تدریسی : بشریتك ارسال رسله اولان احتیاجی ، جناب حقك فطرت انسانیه ی قرین تکمل ایدمک اولان بو وسیله هدایتی ، انسانیتك اکملیتی افرادینه طریق وحی ایله لطف و تفضل بیورده رق رسل عظامك ، انسانلرک مقتدلری ، استاذلری ، منابع تفقه و تفضیلری اولوب بولرک ارشاد و دلالتلریله عقلا و روحاً مظهر ترقی اولدقلری ، صلاح حاله نائل اولدقلری بسط و تمهید اولونه جقدر . بومسائلك شرح و ایضاحی ، مباحث آتیه نك ده بیان ایدلسنه توقف ایدر : رسل کرام (عایم السلام) ك اخلاق و صفات کریمه لری ، قوملری ایچنده سیرت منیفه لری ، امتلریخی حضیض پت پرستی (وثنیت) دن اوج توحیدده ترفیع ایلدکلری ، قوملرینک اولجه سالک بولندقلری و ثنیتك مفساد و سیئاتی بیان اولملی . دینك ، انسانلرک دین ایله کسب اهتدا ایدمک استعدادلری ایله متناسباً ترقی ایدمک کلدیکی ونهایت اسلامیت کسب کمال و اتمیت ایدمک نبوت و رسالتك محمد (علیه الصلاة والسلام) ایله ختام بولدوغی تمهید ایدملیدر . دین آتیه و دینك قانون ارتقا و تکمیلک هر زمانده بر اولماسنک معناسی ده آکلا . تیه جقدر . قرآنك و دین اسلامك کتب وادیان سائره نك اوزرینه

ایتسون ، ایمانلری ایچون غذا اولسون ؛ اخلاقلری تهذیب ایتسون ، دینك اصلاح مؤمنین خصوصنده کی مقاصد عالیه سنی کندیلرینه تذکیر ایتسون .

صنف مرشدین :

صنف مرشدینه اختصار و سهولته قرآن کریمك تفسیری تمامیه اوقوتولور . علوم و فنون عربیه و شرعیه نك اصطلاحاتندن اجتناب اولونور ، آیات کریمه نك کلفتمزجه ، اسلوب لسانك و یردیکی بر سهولت دأره سنده تفسیری نظر دفته آلیز ، تفسیر بعض ببعضه رعایت اولونور ، مآثوره مراجعت و آنك صحیحلرینه اعتماد اولنور . اثنای تفسیرده ارباب بطلانك اعتراض ایتدیکی و یا جهلانك دوچار اشتباه اولدوغی بعض آیاته عائد شهباتك - اشبوشبه شرح ایدیلرک - جوابلری حقنده طلبه ایفاظ اولنور . اوله که طالب کندینه بویه بر سوال ایراد ایدلدیکی حالده جوابی تفتن ایدمک بولسون ، عکس تقدیرده آندن غافل بولونسون .

صنف دعاة :

صنف دعائده اوزرلرینه شهبات وارد اولان ، کفارک و یا اصحاب مقالاتك مجادله ایتدیکی آیاتك تفسیرلری اوقوتولور . بونکله برابر علوم کونییه ، فلسفه ، تاریخ ، قوانین و مجادله ادیان متعلق شهبات ، طریق مناظره دأره سنده جوابلریله برلکده شرح اولنور . بوندن بشقه اسلام میتک جمیع ادیان مدار امتیازی اولان حقایقه دلالت ایدن آیات کریمه ایضاح اولونور . زمان تنزیله بشریجه ، باخصوص عربلرجه معروف اولمیان - کرک علوم کونییه و اجتماعیه و کرک شرائع و آداب متعلق اولسون - علومك حقائق بیان ایدیلر .

حدیث

صنف مرشدین :

صنف مرشدینه مختصر البخاری ، مختصر الزواجی ، « مندرین » ك ترغیب و ترهیبی ، شفا کی کتب احادیث اوقونور . تدریسده بر اسلوب سهل تعقیب اولونور . حدیثك معناسی مختصراً ، متعلق بولندینی علوم و فنون و اعرا بدن - احیاناً فهمك بیاننه متوقف بولندینی مباحث نادره مستثنا - بحث اولمیه رق بیان اولونور . ارباب تشکیك و بطلانك دیلترینه طولایوب کتا بلرنده مدار قیل و قال اتخاذ ایتدکلری و علی العاده عامه نك دوچار اشکال اولدقلری مستثنا اولق اوزره ، شهبات شرح اولونماز .

صنف دعاة :

صنف دعائده منتقی (شیخ محمدالدین ابن تیمیه نك) و غیر کی مختصرات دواوین حدیث اوقونور . فقه حدیث ، حکم حدیث ، تعارض ، ترجیح بین الاحادیث مباحثی توسیع و شهبات وارده شرح اولونور . مشکلات ، اسانید ، عللده بو صورتله بسط و تمهید اولونور . چونکه دعانک روایه و درایه علماء حدیثدن بولونمهلری مطلوبدر . تاکه صحیح ، متفق علیه ، متجه مقبول اولوب مدافعه و احتجاج اولمیه سی واجب اولان احادیث ضبط و تحریر ایدمک بولسونلر . بویه اولمیان احادیثه کلنجه :

رواج بولان علومدن متولد شہادتک ردی خصوصی (تفسیر) بخشنده
بیان اولنان اسلوب (نحو) وجهله شرح وتوسیع اولنور .
مابعدی وار

ازمیر مؤتمر علمیسی مقرراتی

۱۳۳۰ سنه هجریه سنک ۱۵ محرم الحرامی تاریخده ازمیرده اعتمادیدن مؤتمر
علمی مقرراتیدر :

۱ هر سنه شمسیه سنک تشرین اول ونیسان ابتدالرنده انعقاد ولاقل
اون بش کون دوام ایتمک اوزره سنه ده ایکیش دفعه ولایات شاهانه
والویه مستقلده مؤتمر علمیلر وانلرک مقرراتی تدقیق ایتمک اوزره
استانبولده فضلالی علمادن مرکب بر هیئت علمییه تشکیلی مشیختدن
استرحام ایدر .

۲ مؤتمر علمی علوم دینییه وفلسفه اسلامییه نک تعیم ونثرینه واصلاح
مدارس وتکایا مقصد مهمنک حیز حصوله ایصانه تلاحق افکار وملا -
حظات نتیجه سنده حاصل اوله جق قناعت وجدانییه دائره سنده صرف
مقدرت ایدرک وشوامل معززه تحریراً ویا شفاهاً ویا نقداً خدمت
آرزو سنده بولنان هر موحد اعضا میانیه داخل اوله جقدر .

۳ مؤتمر علمیلره ولایات شاهانه والویه مستقله قضاالرندن بالانتخاب
ایکیشر لوارلندن کذا دردر ذات دعوت ایدیلر جقدر .

۴ فلسفه اسلامییه حقه عریض وعمیق مذاکره اجرا ایدیلرک
بوکونکی اوروپا فلسفه سنک حکمت اسلامییه ایله تعارض ایدن نقاطی
حقنده ادله قطعییه واستدلالات عقلیه ونقلیهیه مستنداً ایضاحاتی تضمن
ایدرک مکمل بر کتاب تألیفنه لزوم حس ایدر .

۵ مؤتمر علمی اعضایی فعاله واعضای حامیه اولمق اوزره
ایکی قسم اوله جقدر . اعضای فعاله دخی ایکی قسمه آیریلر برقسمی
حکمت اسلامییه دیکر قسمی ده فلسفه غربیهیه عائد مطالعاتده بولنه -
جقدردر . اعضای حامیه دخی نقداً معاونتده بولنه جق افراد اسلامییه
اوله جقدر .

۶ مدارس علمییه نک سالکین منہاج دینی علوم آلیه ایله برابر علم
حدیث ، تفسیر ، تصوف ، فقه ، کلام دعائم منیفه شریعت اولان علوم
عالیه دنده بحق مستفید اوله بیله جک بر شکله افراغی لزومی اوتهدنبری
هر یرده محسوس ومسلم بولندیغندن بومقصدک تأمین حصولی املیه
پروغراملرده پک جدی اصلاحات وجوده کتیر بله سی ومدارسک یالکز
سعادت اخرویه دکل آنکله برابر سعادت دنیویه یی ده تأمین ایدر بیله جک
بر مکتب فیض حائنده بولندیرلمه سی خصوصنک ازمیر مؤتمر علمیسنجه
بوکون زمانک اک مبرم احتیاجاتی صره سنده اولدیغنه قناعت حاصل
اولدیغندن پروغراملره علوم اجتماعیه ایله فنون شتاتکده لزوم محسوسی
درجه سنده ادخاله صرف مقدرت ایدلمسی مقام مشیختدن استرحام
اوله جقدر .

۷ سعادت دارینه خادم اوله جق موادک تکاپای شریفه پروغرام

مابه الامتیازی بیان اولونا جقدر . بوبابده ناسک فهمنده دوچار اشتباه
اولدقاری مسائل آتیده موضوع بحث ایدیلر جقدر : قرآن کریمده کی
شفاعت مثبتیه ومنفییه ، انبیایه نفی وثبات اولنان هدایت ، عصمت انبیاء
ان انک بعضاری دیکر بعضاری اوزرینه جناب حق طرفندن تفضیل بیورلدیغی
حالده ینه انبیاء آره سنده (عدم تفریق) ک معناسی .

عالم غیبندن خبر ویرن سمعیات ثابتیه کلنجه بولنرک وجه تدریسی
شو یله در : اولیه براسلوب تعقیب اولونه جقدر که بوسایه ده انسان ؛
غیبیه وحیات ابدیه اخرویهیه ایمانک فوائدی آکلایه جقدر ، بوفوائد
عقلک هر ذی حسک اشتراک ایتدیکی محسوساتک دائره ضیقندن قورتولوب
کسب توسع وانسباط ایله فضاء مدارک روحیه وعقلیه ده سر بست بر صورتده
جولانی ، نفسک حیات علمییه اخرویهیه اعداد ایدلمک صورتیه مقاماً
کسب تعالی ایلیه رک آرق مصائب دنیویهیه قارشی لاقید بر حاله کله -
بیللمه سی ، بار حیاتی بوکلنه بیله جک ، الله یولنده بوتون شهواتی ترک
ایدر بیله جک برسویه فضیلتیه ارتقا ایدر بیللمه سی کی شیلدر .

بوعقائدک تقریرنده مذاهب و فرق آره سنده کی اختلافک ذکرندن
اجتناب وسلفندن صدراولک بولوندوغی مسلكه اعتماد اولونور . بواسلویده
تدوینی لابد اولان رسائل ؛ اوچ مرتبه یی جامع بولونمالیدر : (۱) تعلیم
ابتدائی وعوام ایچون (۲) تعلیم متوسط ایچون (۳) تعلیم عالی ایچون .
طلبه ؛ بوضورتله انسانلردن هر بر صنفک تعلیمنده درجه فهم وادرا کلرینه ،
حالییه لایق اولاجق نسبتیه کوره تعقیب ایدر جکلری طریقه ارشاد اولونمالیدرلر .

کلام

علم کلامدن مراد : «عقائد اسلامییه نک حمایه ومدافعه سی . ملاحظه
ومتبدعه نک عقائد شریفه مذکوریه ایراد ایتدکلری شہادت و آنده
اجرا ایتدکلری تحریفاتک دلائل حقیقیه والزامیه ایله ردی » علمی در .
بوعصرده متکلمین سابقین عصرنده معروف اولمایان شہادت ؛ میدان
آلمش و اوعصرده رواج بولان علوم یونانییه وسائرده دن مستنبط اولان
برجوق شہادتده قرین بطلان اولمشدر . بناء علیه بوعلم ایچون زمانک
احتیاجنه کوره فائده سی مأمول اولان بر طریقت مبینیه اوزره صرف
عنایت وغیرت ایلمک درجه وجودده در .

صنف مرشدین :

صنف مرشدینده سنوسییه ونسفییه کی کتب متکلمین دن ، عبارد لری
آکلایه جکلری واصطلاحلری طانیه جکلری بر طرزده بر رساله مختصره
اوقوتولور . بوندن باشقه بر رساله ده اوقوتولور که بونده ده دعاء نصرانییه
(میسیونر لر) ، مقلده ملاحظه ، نحل باطنیه طرفلرندن وارد اولوب
شو عصرده بین العامه رایج اولان شہادت وجه بطلانلریله برابر ذکر
اولونور .

صنف دعا :

بوصنفده فلسفه ، هیئت ، تاریخ ، قوانین وسائر کی بوعصرده